

لهذا السبب اخترت الاسلام !! / كلمة في أذن الشباب

فاضل سليمان

السلام عليكم ورحمة الله وبركاته اي شيء الانسان بيعمله لازم يكون منه فائدة يعني داخل مطعم هستفيد ايه؟ هتاكل انت هستفيد منها كده والا مش هتخش المطعم داخل السوبر ماركت هستفيد ايه؟ هتشتري طلباتك - [00:00:01](#)

داخل محطة البنزين هستفيد ايه؟ هتمون سيارتك بالبنزين او بدل ما بتقطع السيارة في الطريق. طيب اللي بيدخل الاسلام

بيستفيد ايه هل هياخد فلوس؟ بالعكس ده هيدفع زكاة للفقراء - [00:00:20](#)

اومال الناس اللي بتدخل الاسلام بتدخل فيه؟ ايه الفائدة اللي بتعود عليهم؟ انا سألت واحد صاحبي امريكي دخل الاسلام من آآ من

سنوات طويلة من حوالي عشرين سنة سألته قلت له انت دخلت الاسلام ليه - [00:00:39](#)

استفدت ايه لما دخلت الاسلام؟ انا شخصيا اتولدت لقيت نفسي مسلم. لكن انت اخترت انك تدخل الاسلام بنفسك منعك تشرب خمره

حرم عليك شهوات وحاجات كنت بتعملها وبتستمتع بها طب انت استفدت ايه؟ - [00:00:56](#)

قال لي استفدت اني استريحت. لما عرفت الاجابة على اسئلة صعبة جدا كانت بتمنع عني النوم ليالي طويلة مش عارف انام وقلقان

وبافكر فيها قريت في اديان كتير ما فيش ولا دين جاوبني على اسئلتي. الا الاسلام - [00:01:14](#)

يا ترى ايه هي الاسئلة الصعبة دي وازاي الاسلام هو اللي بيجاوب عليها وهيجرى ايه لو الانسان ما عرفش الاجابة على الاسئلة دي

تعالوا نتفرج على فيديو قصير اربع دقائق - [00:01:39](#)

ونرجع نكمل كلامنا بس هطلب منكم قبل ما نتفرج على الفيديو ده الفيديو فيه ولد اسمه احمد عاوز كل واحد منكم يتخيل نفسه

مكان احمد بيحاول يتخيل شعوره ايه في الحلم اللي هو هيشوفه - [00:01:57](#)

خلاص؟ نتفرج على الفيديو يلا وبعدين نرجع نكمل كلامنا ان شاء الله سلام عليكم يا عمي. وعليكم السلام ورحمة الله. جيت في

وقتك. الماتش ابتدى. فاتني اي حاجة؟ لا لا لا لسة بدري - [00:02:17](#)

ايه دلوقتي انت عارف ان محمد صلاح هيلعب هنا كمان اسبوع. بجد تحب اشتري تذاكر؟ اه لو سمحت ان شاء الله اوقف

اوقف ما تروحش. ما تصدقش الكلام المكتوب - [00:02:39](#)

ده كلام مزور. كتمه انسان لا يوجد دليل علمي. انك معالج اصابات ملاعب. ازاي تعرف كل مصف يعلم لا يوجد دليل علمي. ممكن

يكون به مثل. والادوات غير كافية لعلاج المصاب - [00:04:35](#)

ازاي تعرف انها كفاية؟ لا يوجد دليل علمي. انها كفاية. وهتعمل ايه لو ما دفعوش لك الفلوس ولا ادوا لك الكورة الموقعة من اللاعبين

اوكي طيب انا مين من انا اذا؟ انت اي انسان. لو انا مش معالج اصابات ملاعب - [00:04:55](#)

يبقى انا مين؟ دع القلم. ما تقلقش من الموضوع ده خالص. قل لي من انا مطلوب اعمل ايه؟ ايه المطلوب؟ انا هنا ليه؟ ايه الملابس

اللي انا لابسها دي - [00:05:18](#)

ايه ده واستمتع بوقتك ايه الشنطة العجيبة دي ممكن كانت موجودة بالصدفة بعد المباراة هيحصل ايه بعد المباراة لن يحدث اي

شيء. احمد احمد انت متلخبط ليه؟ ايه الحيرة دي - [00:05:33](#)

روح اعمل شغلك اعمل شغلك. هعمل شغلك. صلاح. جول جول. شفت ده والهدف الثاني في هذا اللقاء والهدف الثاني بقميص

ليفربول هذا الصغير هذا القصير لكن لم يكن كذلك في الكرة الماضية بكرة رأسية - [00:05:56](#)

تخيل انك تصحى في يوم من الايام تلاقي نفسك لابس يوني فورم غريب وماسك شنطة بلاستيك لونها غريب وواقف في بتاع كرة

قدم آآ خارج الملعب بتاع الكورة لآ انت مع اللاعبين بتلعب كورة - 00:06:29

ولا انت جالس في المدرجات بتتفرج مع الجمهور واقف خارج الملعب مش مع الجمهور مش مع اللاعبين لاعب سيونيفورم غريب

وماسك شنطة غريبة اكيد هتشعر بالحيرة بالكونفيوجن حتشعر انك متلخبط - 00:06:55

انا هنا ليه لابس اليونيفورم ده ليه ايه اللي في ايدي ده ده بالزبط شعور الانسان اللي بيفكر في وجوده على كوكب الارض انا هنا في

الدنيا ليه ؟ هو ده السؤال اللي صاحبي الامريكي كان بيبحث عنه - 00:07:15

وهو ده السؤال اللي ما نيموش سنوات طويلة جدا ما بينامش بالليل لانه بيفكر هو في الدنيا دي ليه احمد في الفيديو ده بيمثل

الانسان كل انسان مننا كل ولد كل بنت كل راجل كل ست كل انسان - 00:07:37

والاستيديوم ده استاد الكرة ده بيمثل الدنيا احمد لما شاف الحلم ان هو لابس لبس غريب وواقف في مكان غريب وماسك حاجة

غريبة في ايده اتلخبط لكن اول كارت لما لقي كروت في جيبه - 00:07:58

قراها ده بدأ يشرح له. اول حاجة بتاعه ايه الوزيفة بتاعته ايه في اول كارت فهمه انه براميدك انه معالج اصابات ملاعب فلذلك

الكروت اللي وجدها في جيبه دي تمثل الوحي - 00:08:18

تمثل ايات القرآن الكريم القرآن بيقول لك يا انسان انت وزيفتك في الدنيا خليفة. يعني ايه خليفة؟ يعني البوص اللي اللي شغلته انه

يدير كوكب الارض. الباص بتاع كوكب الارض - 00:08:46

صفت في القرآن الكلام دوت هو لازم يكون فيه دليل على كل حاجة بنقولها. ما تسببش حد يلعب براسك ويقول لك اي كلام بدون

لازم يكون في عنده دليل. القرآن الكريم بيقول لنا في سورة البقرة - 00:09:03

ربنا بيقول للملائكة اني جاعل في الارض خليفة اني جاعل في الارض خليفة مجرد ان احمد عرف وظيفته بدأت الحيرة واللخطة

اللي هو حاسس بهم يقلوا شوية شوية. كل ما يقرأ في الكروت ويقرأ في اللي - 00:09:18

كل ما يفهم ويهتدي اكثر واكثر الكارت اللي بعده كان فيه الجوب ديسكربشن كان في شرح المهام اللي مطلوبة منه كخليفة ايه جوب

ديسكربشن بتاعه انه يعالج اي مصاب من اللاعبين او من الجمهور لو حد في الجمهور اتصاب برضو هو يعالجه - 00:09:45

او من الحكام او لو حد من الحكام آآ آآ اصيب برضه هيعالجه كذلك القرآن الكريم بيقول للانسان انه كخليفة في الارض مطلوب منه

اربع حاجات اول حاجة العبادة والعبادة هي الشكر - 00:10:16

مع الطاعة مع الحب اللي بيعطيك احتياجاتك وبيرعاك ويبيدي لك الاكل والشرب والهوا وكل حاجة انت محتاجها عشان تعيش في

الدنيا يستحق انك تشكره ويستحق انك تحبه ويستحق انك تطيعه. الثلاثة دول مع بعض الشكر مع الحب مع العيب مع الطاعة اسمهم

عبادة - 00:10:40

الدليل بقى على كده من القرآن قلنا بقى كل حاجة بدليل لازم. ايه الدليل من القرآن؟ انه آآ العبادة هي مهمة من مهمات الانسان في

سورة الذاريات. ربنا قال وما خلقت الجن والانس الا ليعبدون - 00:11:11

يعني عشان يعبدوني او ايه المهمة الثانية؟ هل فيه مهمة تانية؟ اه الدعوة يعني ايه الدعوة؟ يعني انت كمان تبلغ الناس بالمعلومة

اللي وصلتك. انت قرئت حاجة في القرآن بتقول الناس عليها - 00:11:30

وزيفتهم في الارض خلفاء في الارض هم كمان طب ايه الدليل من القرآن انك لازم تبلغ الناس بكده عشان تكون متأكد انك صح

حضرتك يكون فيه دليل قلنا في سورة النحل - 00:11:50

ربنا سبحانه وتعالى قال ادعوا الى سبيل ربك بالحكمة والموعظة الحسنة. يبقى فعل امر ادع الى سبيل ربك بيكا بس مش بالعافية

مش بالقوة مش بالاكراه لا بالحكمة والموعظة الحسنة - 00:12:06

تالت مهمة من مهام الخليفة اعمار الارض انك تعمر الارض. مش تخرب الارض. تعمرها تبنيها تحسنها تجملها الدليل ربنا قال في سورة

هود هو انشأكم من الارض واستعمركم فيها. يعني ايه استعمر - 00:12:26

الف سين تاء زائد الفعل في اللغة العربية يعني طلب الفعل استخراج طلب الاخراج استغفر طلب المغفرة استعمر طلب الاعمار هو

انشأكم من الارض. خلقكم من الارض. واستعمركم يعني طلب منكم - 00:12:52

نار الارض طيب هل في مهمة رابعة كده احنا خدنا تلت حاجات. اه في مهمة رابعة. ايه هي؟ اقامة العدل ونصرة الحق البوص اللي

شغلته انه يبقى بيدير الامور في الارض لازم يعدل بين الناس - 00:13:17

ويمنع الظلم باي طريقة حتى لو اضطر يحارب علشان يدافع عن المظلومين لكن لازم يمنع الزلم والدليل ربنا قال وما لكم لا تقاتلون في

سبيل الله والمستضعفين من الرجال النساء والولدان مستضعفين دول يعني الاوبرست يعني المضطهدين - 00:13:41

دي كده الاربعة مهام بتاعة الانسان. ايه اللي القرآن الكريم بيشرحهم للانسان خلي بالك في الحلم لما احمد فهم الازيفة بتاعته وفهم

المهمة المطلوبة منه ده فسر له حاجات كتير كانت محيرة. فسر له الملابس اللي هو لابسها - 00:14:09

هو لابس ليونيفورم غريب فسر له وجود وجوده في آآ استاد بتاع كورة فسر له ليه هو مش بيلعب مع اللاعبين ولا بيتفرج مع

الجمهور؟ لانه عرف وزيفته وعرف ايه المطلوب منه. بس برضه لسة - 00:14:32

عنده شك في مسألة الادوات هل هو عنده ادوات تجعله قادر انه يعالج المصابين. لو حد اصيب في الملعب هيعرف يعالجه فالكارت

التالت قرأ في حاجة اطمنوا الكارت التالت كان فيه ان الشنطة اللي في ايده - 00:14:50

فيها ادوات كفاية فيها مقص طبي شاش آآ قطن آآ مطهر للجروح محلول يغسل العينين لو حاجة دخلت في عين الواحد رملة او

حاجة. كل حاجة انت محتاجها علشان تؤدي المهمة بتاعتك آآ باراميدك او - 00:15:19

اه معالج بيعالج اصابات الملاعب موجودة معك. فده كلام يطمنه ان معه ادوات هل القرآن بيقول لنا احنا معنا ادوات كفاية تجعلنا

نقدر نقوم بمهمة الخلافة في الارض ان احنا نبقي خليفة الله في الارض - 00:15:39

اه صديقي الامريكي قال لي انه اختار الاسلام بعد ما كل الحيرة واللبخطة اللي في قلبه راحت لان القرآن طمنه ان كمان عنده ادوات

يقدر يعمل بها المهام الاربعة بتاعته - 00:15:58

اول اداة في اهم قصة في القرآن الكريم. القرآن مليون قصص وقصص القرآن دي علشان ناخذ منها العبرة وناخذ منها دروس ونتعلم

منها انما في قصة منهم هي اهم قصة - 00:16:18

لانه الفاونديشين بتاع حياتنا هي هي آآ هي هي الاساس بتاع الحياة بتاعتنا وهي قصة خلق الانسان ادم بيمثل الانسان في القرآن كل

انسان كل انسان راجل وست ادم هو الانسان في القرآن - 00:16:33

فلما ربنا اسجد له الملائكة. يعني ربنا امر الملائكة بالسجود سجدوا لادم الا ابليس الاية حذاشر فيها اهم اداة من ادوات من الادوات

اللي معنا عشان نقوم بالمهمة بتاعتنا ربنا بيقول ثم قلنا للملائكة اسجدوا لادم. فسجدوا الا ابليس. لم يكن من الساجدين - 00:16:58

الملايكة سجدت طبعا في ميكروباص يقول له طب وانا مالي انا الملايكة سجدت لادم من الاف السنين ولا عشرات الالاف من السنين

انا مالي ده هيخدمني انا في ايه؟ ازاي دي تكون - 00:17:31

الاداء عندي انا. لا ازاي بقى؟ حاول تفهم. مين هم الملائكة؟ ما احنا قلنا ادم هو انت ادم بيمثلك في القرآن الكريم الملائكة بيعملوا ايه

الملائكة بتدير قوانين الطبيعة - 00:17:41

الرسول عليه الصلاة والسلام قال لنا ان فيه ملك آآ مسئول عن الجبال والصخور وملك مسؤول عن الرياح ويحرك الرياح في اتجاه

مختلفة. وده بيحرك ايه؟ بيحرك السحب. وملك مسئول عن المطر ونزول المطر - 00:17:59

اذا المديرين اللي بيديروا قوانين الطبيعة قوانين الفيزكس اللي حوالينا هم الملائكة سجدوا للانسان يعني ايه؟ يعني ربنا سخرهم

للانسان علشان يساعدوه في اداء مهمته يعني ايه سخرهم؟ يعني خلاهم يقوموا يخدموه. هم هم اللي بيخدمونا - 00:18:18

في سورة الجاثية ربنا قال وسخر لكم ما في السماوات وما في الارض جميعا منه ربنا سخر كل حاجة في السماوات والارض الطبيعة

كلها مسخرة لك يا بني ادم اذا ما حدش هيقدر يقول يا رب يوم القيامة. يا رب انا ما قدرتش اعمل المهمة بتاعتي كخليفة -

00:18:46

لان الاكسجين كان قليل لا كان مناسب جدا ربنا اسجد الملائكة لادم يعني سخر لك كل حاجة في الارض عشان تقوم بمهمتك.

فالأكسجين كان كفاية جدا لك عشان تقوم بمهمتك. ما حدش يقدر يقول يا رب انا بصراحة ما قدرتش اعبدك - [00:19:12](#)
لان الجرافيتي كانت قوية قوي اللي هي قوة الجازبية كانت شديدة جدا. لأ الجرافيتي فورس كانت مزبوبة جدا على الارض ما كنتش شديدة جدا بحيس انك ما تقدرش ترفع رجلك. من على الارض. ولا كانت خفيفة جدا بحيس لما ترفع رجلك تطير من على الارض. لا لا - [00:19:30](#)

هلاً كانت مزبوبة جدا كات بتخليك تعرف تمشي وتجري وكل حاجة فكل شيه في الدنيا بيساعدك على اداء مهامك كخليفة في الارض ما عدا حاجة واحدة مين اللي لم يسجد للانسان؟ الشيطان - [00:19:50](#)
الشيطان بيمثل الشر الغرور الكبر كل حاجة شر الحقد الحاجات دي هي اللي هتقف ضدك يا انسان وما تخلص تعرف تقوم بمهمتك فمن اولها من اول سانية للانسان على الارض. من اول سانية للانسان في الدنيا حتى لو مش على الارض. الانسان اصبح عارف مين معه - [00:20:12](#)

ومين ضده؟ الدنيا والطبيعة معك لكن الشر هيبقى ضدك دايمًا. لذلك قصة ادم هي اهم قصة في القرآن باختصار لانها قصتي وقصتك وقصتي وقصة كل انسان طيب ايه كمان من الادوات اللي ربنا اعطاها للانسان - [00:20:39](#)
فكروا كده من قصة ادم برضو حصل ايه كمان في قصة ادم؟ ربنا قال هي قصة ادم وعلم ادم الاسماء كلها. ثم عرضهم على الملائكة فقال انبئوني باسماء هؤلاء ان كنتم صادقين. قالوا سبحانك لا علم لنا الا ما علمتنا. انك انت العليم الحكيم. ربنا علم ادم الاسماء كلها - [00:21:04](#)

واللي علمه الادم ده اختبر الملائكة في الملائكة ما عرفتش. قال له سبحانك ما نعرفش لا علم لنا الا ما علمتنا. اذا الاداة الثانية اللي ربنا اعطاها للانسان هي القدرة على التعلم - [00:21:38](#)
وقدرة على التعلم مش موجودة عند اي مخلوق اخر حتى الملائكة المخلوقات الاخرى على فكرة عندها قدرة بسيطة على التعلم يعني مسلا الانسان مسلا آ بيعلم الكلاب يعني بتشوف مسلا واحد بيعلم الكلب بتاعه آ انه مسلا يسلم - [00:21:58](#)

فتلاقي الكلب راح آ واقف على آ رجليه الورانية ورافع ايده كده ومسلم زي ما يكون بني ادم كده كويس يبقى الكلب بيتعلم اهو ايوه بيتعلم ولكن كل كلب اتعلم انه يسلم في انسان علمه - [00:22:24](#)
ما فيش كلب علم الكلاب ولاده ازاى يقعدوا على ظهرهم وعلى رجليهم الورانية ويرفعوا ايديهم ويسلموا خالص يقول للكلب اقعد يوم قاعد بس انسان علمه ما فيش كلب علم ولاده كده - [00:22:46](#)

فالكلاب مش اجيال بتتعلم من بعض زي البني ادمين. لأ ما عندهم تعليم تراكمي. فمهما كان الكلب هيفضل يتعلم هيتعلم ايه وهيموت وبعد كده اللي اتعلمه كله راح انما احنا بس الانسان هو اللي بيتعلم تعلم تراكمي. اجيال بتتعلم من بعضها - [00:23:00](#)
كل فينا جه بنى على العلم اللي عند الجناريشن اللي قبله عشان كده احنا بنتقدم بسرعة احنا مسلا من مية وعشرين سنة كنا فخورين قوي بايه ان عندنا قطار بيتحرك بقوة البخار. صح - [00:23:24](#)

حلو اوي بعد اقل من مية وعشرين بعد اقل من مية سنة بقى عندنا ايه ؟ عندنا آ عربية ماشية على كوكب المريخ على كوكب المريخ يعني في مية وعشرة سنة تقريبا - [00:23:45](#)
طلعنا طلعنا من قطار بيتحرك على الارض بالبخار طلعنا مركبة فضائية لغاية كوكب المريخ نزلت مركبة تانية فضائية ماشية على المريخ وبتصور الكلام ده من عشر سنين على فكرة مش قريب. ده من عشر سنين - [00:24:05](#)

التقدم السريع ده بسبب اداة التعلم اللي ربنا اعطاها للانسان فقط الاداة الثالثة اللي ربنا اعطاها للانسان علشان يؤدي مهمته هي الحرية الانسان حر يعني يستطيع يتخذ قرار. يعني الانسان - [00:24:24](#)
دي اداة خطيرة جدا لان الانسان يقدر ياخذ قرارات صح او غلط انسان حر. ما دام حر يقدر ياخذ قرارات بس القرارات دي يا اما صح يا اما غلط يا اما حلال يا اما حرام - [00:24:51](#)

بس هي اداة مهمة جدا من اجل التقدم القرآن الكريم دليل ان الانسان حر في اختياراته القرآن الكريم قال لنا في سورة الشمس

ونفس وما سواها فالهمها فجورها وتقواها. ربنا سوى كل نفس. خلقها وحث جوارها الفجور والتقوى. يعني - [00:25:04](#)

القدرة على عمل الخير والقدرة على عمل الشر. وبعدين ربنا بيقول قد افلح من زكاها وقد خاب من دساها الانسان الناجح هو اللي ينصف نفسه ويختار يعمل الخير. والانسان الفاشل الخائب وقد خاب من دساها - [00:25:30](#)

اللي يوسخ نفسه ويختار انه يعمل الشر. اذا الانسان بايده انه يختار بين الخير وبين الشر الحرية دي من اسباب التقدم وان كانت خطيرة ناهد ممكن بعض الناس يخشوا النار بسببها. وبعض الناس يخشوا الجنة بسببها برضو - [00:25:50](#)

طيب كده الانسان عرف وزيفته ايه؟ خليفة عرف المهام الاربعة بتوعه ايه؟ العبادة الدعوة اعمار الارض. واقامة عدل ومنع الظلم وعرف الادوات بتاعته ايه التعلم الحرية وقبل الحرية ايه؟ قلنا التعلم والحرية وآآ ساعدوني. آآ اه - [00:26:12](#)

وتسخير الكون يعني ان الطبيعة آآ كلها مسخرة له خلاص فاضل حاجة واحدة مهمة جدا واياه اللي يخلي الانسان يشتغل اصلا انت اما بتروح تشتغل في شركة وتأخذ وزيفة معينة مهندس - [00:26:49](#)

بتشتغل ليه هتستفيد حاجة ايه هي؟ هتأخذ اجر اول حاجة مش اول حاجة بس انت هتسأل اكيد على الاجر بتاعي كم هياخذ مرتب كل شهر كام؟ حلو اوي يبقى ان احنا نعرف الاجر - [00:27:06](#)

ايه الاجر بتاعنا من من ربنا لما نقوم بمهمتنا كخليفة ونقوم بالمهام بتاعتنا الاربعة ونستغل الادوات اللي ربنا استنى هناخد ايه احمد وجد الكارت الاخير بيقول له هياخذ الفين جنيه - [00:27:23](#)

وكورة موقعة من اللاعبين حلوة دي امتى؟ بعد المباراة وده شيء طبيعي. لان الانسان بياخذ اجره بعد ما يخلص شغله فالاجر اللي ربنا وعدنا به هو الجنة امتى؟ بعد المباراة. يعني امتى بعد ما تخلص شغلك يعني بعد الحياة؟ بعد الحياة الدنيا بتيجي الاخرة بناخد فيها الاجر بتاعنا - [00:27:42](#)

الدليل ربنا سبحانه وتعالى قال ان الله اشترى من المؤمنين انفسهم واموالهم بان لهم الجنة الجنة بعد ما تنتهي من وظيفتك ومن المهام بتاعتك وتخلص شغلك ادخل الجنة. يبقى الاكسيكتيشنز بتاعتك في الدنيا دي هي ان انت بتعمل واجباتك عشان ربنا يرضى عنك وتأخذ اجره - [00:28:10](#)

الاخرة احنا بنعيش في الدنيا دي مدة قصيرة ستين سبعين تمانين سنة لكن الاخرة حياة ابدية. ملايين السنين لأ اكثر مليارات السنين لأ اكثر حياة لا تنتهي ابدأ لذل الاجر في الاخرة اكثر كثير جدا واكبر كثير جدا من انك تأخذ حطة شوكولاتة في الدنيا او تأخذ حاجة في الدنيا مش هتدوم كثير ممكن ربنا - [00:28:40](#)

يدي لك مكافأة في الدنيا بس بتبقى حطة صغيرة كده بقشيش صغير. لكن المكافأة الاساسية بتبقى في في الاخرة. اذا اخدنا في الدنيا او ما اخدناش احنا عارفين ان ان شاء الله ربنا بيدينا اجرنا في الاخرة - [00:29:05](#)

وما هذه الحياة الدنيا؟ الالهو ولعب. وان الدار الاخرة ليه الحيوان لو كانوا يعلمون. يعني الدنيا دي اي كلام اي كلام شوية لعب شوية كلام فارغ ليهو ولعب. شوية كلام فارغ. بعد كده الحياة الحقيقية هي الاخرة. الحيوان يعني الحيوان الحياتين - [00:29:24](#)

مع بعض اهميتهم في الحياة الاخرة. بس الواو الياء الثانية قلبت واو. بدل ما تبقى الحيوان فبقت الحياء يعني الحياة الكبيرة هي الحياة الاخرة. الحياة الحقيقية هي دي اجمل حاجة في الاسلام - [00:29:48](#)

الهداية ان الاسلام بيهديك الى الاجابة على الاسئلة اللي تخليك مستريح نفسيا في الدنيا. ومش حاسس ان انت تايه صديقي الامريكي اللي اسلم قال لي انا اخترت الاسلام لانه الوحيد اللي جاوبني على الاسئلة الوجودية دي. اسئلة الوجود - [00:30:06](#)

انا موجود اصلا ليه هذه الاسئلة اللي كانت بتخليني مش عارف انام من كتر التفكير. واقول لكم بصراحة احنا كمان صحيح انا اتولدا مسلمين لكن لازم بعقلنا نفكر واحنا مسلمين اننا مستمرين او احنا بنختار ان احنا - [00:30:34](#)

هنستمر في الاسلام اللي احنا اتولدا لقينا نفسنا مسلمين. لكن بنختار الاستمرار في الاسلام بالعقل لما وجدنا انه الاسلام فيه الهداية. اللي بيهدي الناس علشان الناس ما تضلش وتتعب في حياتها وتحتار - [00:30:53](#)

واشكركم جدا على الاستماع واسف اني طولت عليكم والسلام عليكم ورحمة الله وبركاته - [00:31:14](#)